

Sawr rawk uan

Treating Diarrhea



Sawr rawk uan

Treating Diarrhea

The material in this booklet was borrowed with permission from the book, "Yu tu i Ken Daunim Sik Long Ples" originally published by Liklik Buk Information Centre, Free Mail Bag, Unitech, LAE
Illustrations adapted by Anis Ka'abu

Mru



<http://creativecommons.org/licenses/by-nc-sa/3.0/>

You may not use this work for commercial purposes. You may adapt and add to this work, but you may distribute the resulting work only under the same or similar license to this one. You must keep the copyright and credits for authors, illustrators, etc.

Mohima Gomez

Adapted from original, Copyright © 1992, SIL PNG. Licensed under CC-BY-NC-SA 3.0.



Tumsing kowi Tumpau lüntaah mih,
"Tawngplawng kowchow tarawkra kowi
en cham kowi khai iawk?" Pakhai.

Tumpau tekpe mih, "Ang kowh chapa
sowr khai. Ang cham thow pe tika kown
chow," pape khai.

Tumpau kowh chapa ming dow Menrau
chekhai. Menrau tekpe a-u mih, "Au, ang
ki rau khai iawk" pakhai.




Tumsing tekpe mih, "Thow pe tika now sawr ia iung dowi pami makha khe ang tek en khowk mana. Kim kowi sawr dow en ia taing pe kown taih," pape khai. Now Tumpau tekpe mih, "Na chowdiah, tawkche Iungchowng kowh dow pik khowm tanawng khai bowt," pakhai. Nakhawk khe Tumpau kowh chapa sawi tek mih, "Au mü madiyah! Tiama kowi Menrau cham e mih!" Pape khai.



Tumsing tekpe Tumpau mih, "Menrau kowh pik tanawng mih dow kham tui dowi kowh chataih. Singh kowi the pe tui dowi now singh keu reng chekhai. Nami paw naiawng hown tatu. Menrau e mih khin khe aia kow hownia dow lainowmma tui tawi ta-e khai. Naiawng mih khin khe prang kowi cham uatla kown mih mapaw iung dowi. Nadowi hanow sat den hown aia kow kowi kowh tui nakang bowk kown," pape khai.




Now Tumsing tekpe mih, "Sawr kowh chowbowt Menrau kowh khowt tui powt mih, now sat den hown tui nakang kung chepaw naia. Aia kowh ahuma pe khamah tui diah.




"Nami klen kowi un uih tui hai siu paw sawr khe lainowmma iung. Menrau sawr towng pe khamah un uih lowkchi kown takla," pape khai.

Now Menrau kowi dow pe khamah un uih lowk khai. Aia dow ki kham un uih hanow tek mih, "Mami dow lainowmma iung!" Pakhai.



Tumsing tek mih, "Sawr mih ngeuüa hawmh kowi dow chakkham paw nape chaah kown takla. Nakhawk khe pe chaah deng uih now iung. Now lowra sia cha dowi rawn khe hai ki e towng klangiungma nasia pe rut kown takla," pape khai.

Now Tumpau tek mih, "Na bow! Ang dow kawmat mowr kowi tawngpaw pe chaah dowi tak le!" Pakhai.



Tumsing tekpe mih, "Sawr kowi dow
thow pe tika e iung dowi chekhai. Bowk
bowk lak-e kowh lang iung mih
chakkhang dow asürlawk uowi dowi mih
tui chakkham iung chekhai. Chakkham
iungma mih dow sawpsa uih, mawsing
paw, bettaka uih, sangphaw uih hai
sangphaw pram kan ün chekhai.
Tumpau tekpe mih, "En kowh dow
prengia chakma chekhai," Pakhai.

